

Hoz es il Di dal mer



GÜN

text: Chattrina Josty, illustraziun: Yvonne Gienal,
grafica: Theres Jörgler, fotografia: Jörgler-Staubs
zambregida hat: Flurin Veraguth
© Lia Rumantscha

KIDSFITSCH
Lia Rumantscha



 Schweizerische Eidgenossenschaft
Confédération suisse
Confederazione Svizzera
Confederaziun svizra
Uffiz federal da cultura UFC

Il Di dal mer

Nos planet, la terra, vain eir numno «il planet blov». Vis da dalöntschi, per exaimpel giò da la glüna, es nos planet per granda part blov – pervi dal mer. Sün nos muond es la pü granda part da la surfatscha cuvierta cun ova. Il mer es enorm important per nus umauns e per las bes-chas. Perque stu il mer gnir protet. Per fer attent a quecò, haun decis las Naziuns Unidas da festiver il Di internaziunel dal mer. Minch'an do que ün motto, a vegnan mussos films ed organisadas acziuns per cha'ls umauns possan imprender dapü sur dal mer.

Chenüna es la bes-cha la pü granda chi viva aint il mer?

La balena blova es la bes-cha la pü granda dal mer e la pü granda bes-cha insomma. Ella es 33 meters lungia e paisa 160 tonnas. Ella es dimena uschè lungia scu 3 autos da posta e paisa taunt scu 30 elefants! Ed ella maglia enorm bger: mincha di maglia ella milliuns da crils (üna spezcha da pitschens giambers) e dischplaschaivelmaing eir adüna dapü rüzcha scu per exaimpel butiglias e sachs da plastic.



Che sest tü dal mar? Cò ün pèr dumandas e respostas:

Cu vain il sel aint il mer?
Scha tü est già sto u steda üna vouta al mer, sest cha l'ova gusta scu ova da spaghets! Ils flüms chi mainan l'ova aint il mer vegnan da las muntagnas. Sün lur viedi levan els il sel our da la crappa. Uschè as ramassa üna pruna sel e perque gusta l'ova da sel. Specielmaing bger sel ho que aint il Mer Mort chi cunfina cul Israel, la Jordania e la Cisjordania. Lo as po giaschair in arains süll'ova e ler ün cudesch sainza ir suot.

Est tü già steda/sto
üna vouta sper
il mer?


Hest pü gugent
rivas cun crappa
u cun sablun?



Cu vain il plastic aint il mer?
La granda part dal plastic portan ils flüms aint il mer. Ma eir da grandas barchas vain la rüzcha per part simplamaing bütteda ill'ova. U cha la glied lascha inavous rüzcha a las rivas dal mer. Que es trist. Impustüt per las bes-chas. Ellas crajan cha'l plastic saja qualchosa da maglier ed il travuondan simplamaing.



Inua es il punct il pü profund dal mer?
Il Foss da las Mariannas aint il Pacific vela scu punct il pü profund dal mer. Lo vo que 11'934 meters illa profundited. Scha'l foss füss üna muntagna, füss quella ün töch pü ota cu il Mount Everest, la muntagna la pü ota dal muond.

Inua noudast il pü gugent? Aint il mer, in ün lej u in ün bagn aviert?



Hest tü già chatto coquiglias a la riva dal mer?

Che bes-chas hest vis aint il mer?




Cu pudessast tü proteger il mer?

Flöz

1

Tü drouvast:

- 2 butiglias da PET
- ün pêr ramins
- 3 bindels elastics ferms
- corda
- palperi
- fleters u colurs
- cola



Uffizi federal da cultura UFC


Schweizerische Eidgenossenschaft
Confédération suisse
Confederazione Svizzera
Confederaziun svizra



text: Chatriina Josty, illustraziun: Yvonne Gienal,
grafica: Theres Jörgler, fotografia: Jörgler-Stauss
zarinregia: hat: Flurin Veraguth
© Lia Rumantscha

KIDSFITSCHE
Lia Rumantscha

- 1 Ramassa ün pêr rammins per il flöz. Als lia insembel cun corda.
- 2 Piglia duos butiglias da PET vödas e tira suravi ün bindel elastic, per ch'ellas tegnan insembel.
- 3 Metta il flöz da lain süllas butiglias e tira suravi aunch'ün'oter bindel elastic.
- 4 Uossa drouvast tü aunch'ün rammin ün pô pü lung. Vi da quel poust francher üna pitschna bindera da palperi. Cu guard'our tia binderina?
La pütta da la bindera poust fixer scha tü la mettast bain traunter duos rammins dal flöz e las butiglias da PET.



1



3




2



4





Scha tü laschast nuder tieu flöz sün
ün lej u in ün ovel, alura guarda
da la sgürer cun üna corda lungia
cha tü tegnast in maun.

